



LÖG ÍPRÓTTA- OG ÓLYMPÍUSAMBANDS ÍSLANDS

1. KAFLI - SKIPULAG

1. grein

- 1.1 Sambandið heitir Íþróttá- og Ólympíusamband Íslands, skammstafað ÍSí. Það er æðsti aðili frjálsrar íþróttastarfsemi í landinu, sbr. ákvæði íþróttalaga.
- 1.2 Varnarþing og heimili sambandsins er í Reykjavík.
- 1.3 Íþrótt er ástundun líkamlegrar þjálfunar til keppni og heilsuræktar.
- 1.4 ÍSí starfar sjálfstætt og ber að hafna öllum þrýstingi, hvort sem hann er af pólitískum, trúarlegum eða efnahagslegum toga, svo sem kveðið er á um í Ólympíusáttmálanum.
- 1.5 Sem landssamband á Íslandi, er nýtur viðurkenningar Alþjóðaólympíunefndarinnar (the International Olympic Committee – IOC) og heyrir Ólympíuhreyfingunni til, tekst ÍSí á hendur að sínu leyti og fyrir hönd framkvæmdastjórnar sinnar og allra sambandsaðila að virða Ólympíusáttmálann, reglur IOC og Alþjóðalyfjareglurnar og að hlíta ákvörðunum aðalfunda Alþjóðaólympíunefndarinnar.
- 1.6 Í samræmi við tilgang sinn og markmið sem landssamband heitir ÍSí því:
 - a) Að leggja lið aðgerðum í þágu friðar og vinna að því að efla stöðu kvenna í íþróttum og íþróttamálum á grundvelli jafnréttis.
 - b) Að styðja og efla virðingu siðareglna í íþróttum.
 - c) Að berjast gegn lyfjamisnotkun í íþróttum.
 - d) Að berjast gegn hagræðingu úrslita í íþróttum.
 - e) Að sýna ábyrgð varðandi sjálfbærni í íþróttastarfi.
- 1.7 Aðilar sem falla undir lög þessi skulu setja sér reglur sem leggja bann við veðmálum þeirra sem taka þátt í leikjum, með beinum eða óbeinum hætti, í tengslum við eigin leiki eða eigin mót. Þá skulu reglurnar leggja bann við því að heimilt sé að veita upplýsingar um íþróttir í þeim tilgangi að hafa áhrif á veðmál og fela í sér fjárhagslegan vinning.

2. grein

- 2.1 ÍSí er landssamband íþróttahéraða og sérsambanda.
- 2.2 Aðilar að íþróttahéruðum eru félög sem hafa iðkun íþróttá á stefnuskrá sinni.
- 2.3 Aðilar að sérsamböndum eru íþróttahéruð.
- 2.4 Í lögum þessum merkir orðið sambandsaðilar íþróttahéruð og sérsambönd.





3. grein – Sambandsaðilar og íþróttafélög

- 3.1 Íþróttahéruð eru mynduð eftir legu og aðstöðu til samvinnu um iðkun íþróttar.
- 3.2 Sér sambönd eru mynduð um ákveðnar íþróttagreinir og eru landsamtök allra íþróttahéraða, sbr. kafla 6, sem hafa iðkun þeirrar íþróttagreinir á stefnuskrá sinni.
- 3.3 Þau félög innan hvers íþróttahéraðs sem leggja stund á sömu íþróttagrein, geta myndað sérráð sbr. kafla 8.
- 3.4 Aðeins má viðurkenna eitt sér samband fyrir hverja íþróttagrein. Er þá við miðað, að það samband verði eða geti orðið aðili að alþjóðasér sambandi fyrir þá íþróttagrein, er njóti viðurkenningar Alþjóðaólympíunefndarinnar.
- 3.5 Ólympísk sér sambönd eru þau sambönd, er eiga aðild að viðurkenndu alþjóðasér sambandi fyrir íþróttagreinir, sem eru á dagskrá Ólympíuleikanna. Ber þessum samböndum að halda uppi virkri starfsemi á sviði íþróttagreinir sinnar heima fyrir og á alþjóðavettvangi, einkum með því að skipuleggja og taka þátt í keppismótum og sjá fyrir kerfisbundinni þjálfun íþróttamanna.

4. grein – Tilgangur og markmið

- 4.1 Tilgangur sambandsins er að:
 - a) Efla, samræma og skipuleggja íþróttastarfsemi, sbr. íþróttalög.
 - b) Stuðla að þróun afreksíþróttar svo og almenningsíþróttar (íþróttar fyrir alla).
 - c) Annast samstarf um íþróttamál við ríkisvaldið og aðrar lögmætar stofnanir að þeirri viðleitni að virkja íþróttir í þágu mannkyns.
 - d) Vera fulltrúi Íslands í íþróttamálum almennt gagnvart öðrum þjóðum.
 - e) Kynna grundvallaratriði Ólympíuhugsjónarinnar á vettvangi íþróttaiðkunar hér á landi og stuðla með öðrum hætti að útbreiðslu hennar, meðal annars með kynningu hugsjónarinnar innan vébanda íþróttakennslu og skólaíþróttar og fyrir tilstuðlan stofnana, er helgi sig fræðslu um Ólympíuhreyfinguna. Ennfremur með því að hlutast til um stofnun Ólympíuakademíu og Ólympíusafns og aðra menningarstarfsemi, sem tengd er Ólympíuhreyfingunni.
 - f) Tryggja að Ólympíusáttmálinn sé virtur á Íslandi.
 - g) Mynda, skipuleggja og leiða sendinefndir Íslands á Ólympíuleikunum og á svæðaleikum, álfuleikum og fjölíþróttahleikunum, sem haldnir eru undir vernd Alþjóðaólympíunefndarinnar. ÍsÍ tekur ákvörðun um þátttöku íþróttamanna, sem tilnefndir hafa verið af viðkomandi sér samböndum. Það tilnefnið fararstjóra og ber ábyrgð á hegðun þeirra, sem sendir eru til leikanna.
 - h) Stuðla að þjálfun leiðtoga í íþróttum með skipulagningu námskeiða, er taki mið af grundvallaratriðum Ólympíuhugsjónarinnar.
 - i) Berjast gegn hvers kyns mismunun og ofbeldi í íþróttum, hvort sem um er að ræða mismunun vegna kynþátta, trúarbragða, stjórnmálaskoðana, kynferðis, kynhneigðar eða annarra þátta, sem og hvers kyns ofbeldi, þar á meðal líkamlegu, andlegu, kynferðislegu eða stafrænu ofbeldi.



- j) Berjast gegn notkun hvers kyns efna og aðferða sem bönnuð eru af IOC eða alþjóðasársamböndum. Gera ráðstafanir sem hafa að markmiði að koma í veg fyrir að heilsu íþróttamanna sé stefnt í hættu, í samræmi Alþjóðalyfjareglurnar.
 - k) Samþykkja og framkvæma Alþjóðalyfjareglurnar og tryggja með því að stefnur, lyfjareglur Lyfjaeftirlits Íslands, aðildar- og/eða fjármögnunarkröfur og verklagsreglur um meðferð niðurstaðna séu í samræmi við Alþjóðalyfjareglurnar.
 - l) Vinna að því að tryggja að í íþróttum ríki heiðarleiki.
 - m) Taka þátt í starfsemi Ólympíusamhjalparinnar.
 - n) Afla tekna er gera sambandinu kleift að halda fullu sjálfstæði. Tekjuöflun skal þó fara fram í samræmi við Ólympíusáttmálann og með þeim hætti að ekki rýri virðingu eða sjálfstæði ÍSÍ.
 - o) Stuðla að góðum stjórnarháttum innan íþróttahreyfingarinnar.
- 4.2 Sem landssamband innan Ólympíuhreyfingarinnar hefur ÍSÍ það markmið að tryggja framgang og verndun Ólympíuhreyfingarinnar hér á landi, í samræmi við Ólympíusáttmálann. Að þessu skal meðal annars unnið með því að halda uppi góðu samstarfi við stjórnvöld og við önnur frjáls samtök eða stofnanir. Aldrei má ÍSÍ þó tengjast við starfsemi eða athafnir, sem brjóta myndu í bága við Ólympíusáttmálann.
- 4.3 ÍSÍ hefur eitt heimild til að koma fram af Íslands hálfu á Ólympíuleikunum og á svæðaleikum, álfuleikum og öðrum fjölíþróttahleikum, sem haldnir eru undir verndarvæng Alþjóðaólympíunefndarinnar. Jafnframt ber ÍSÍ skylda til að taka þátt í sumarólympíuleikum með því að senda þangað íþróttamenn.
- 4.4 ÍSÍ skal starfa í samræmi við siðareglur sem staðfestar eru af Íþróttáþingi. Siðareglurnar skulu endurspegla grundvallarviðmið um heiðarleika og virðingu í samskiptum og góða stjórnarhætti innan sambandsins.

2. KAFLI RÉTTINDI OG SKYLDUR FÉLAGA OG SAMBANDSAÐILA

5. grein – Starfsskilyrði í íþróttahreyfingunni

- 5.1 Íþróttafélag verður aðili að ÍSÍ með inngöngu í hlutaðeigandi íþróttahéraði.
- 5.2 Skilyrði fyrir inngöngu íþróttafélags í íþróttahérað eru að:
 - a) Félag hafi iðkun íþróttar sem samþykkt hefur verið af framkvæmdastjórn ÍSÍ á stefnuskrá sinni.
 - b) Félag standi ekki fyrir iðkun íþróttar sem framkvæmdastjórn ÍSÍ telur að geti vegna eðlis og markmiðs íþróttarinnar valdið heilsutjóni.
 - c) Rekstur íþróttafélags sé einskorðaður við hagsmuni þess og þeirrar starfsemi sem tengist iðkun íþróttar og sé ekki í hagnaðarskyni.





- d) Lög félags uppfylli ákvæði gr. 5.7, gangi hvorki í berhögg við lög og reglur ÍSí né hlutaðeigandi íþróttahéraðs og hafi hlotið staðfestingu þeirra. Allar síðari lagabreytingar skulu staðfestar af stjórn hlutaðeigandi íþróttahéraðs og framkvæmdastjórn ÍSí.
 - e) Félagsaðild sé ávallt frjáls öllum þeim sem gangast undir lög og reglur félags. Ekki er heimilt að gera aðrar takmarkanir á þátttöku í félagsstarfi en þær sem ytri aðstæður, t.d. þjálfunaraðstæður, leyfa. Félagi er þó heimilt að takmarka þátttöku félagsmanna eða útiloka þá frá félagsstarfi á grundvelli brota á lögum og reglum íþróttahreyfingarinnar.
 - f) Félag haldi skrár yfir félagsmenn sína annars vegar og iðkendur hins vegar. Skráning félagsaðildar tekur gildi þegar viðkomandi hefur verið skráður í félagatal félags og að sama skapi tekur úrsögn gildi þegar viðkomandi hefur verið skráður úr félagi. Það er á ábyrgð félagsmanns að ganga úr skugga um að skráning/afskráning hafi átt sér stað hjá félagi.
 - g) Félagsmenn hafi allir sama rétt, þ.m.t. atkvæðisrétt um málefni félagsins, sbr. þó e. liður gr. 5.7. Þrátt fyrir framangreint skal félagi þó vera heimilt að hafa í lögum sínum reglur sem kveða á um að fulltrúar einstakra deilda innan félagsins hafi atkvæðisrétt á aðalfundi þess í stað allra félagsmanna. Þegar svo ber undir skulu allir félagsmenn viðkomandi deilda hafa atkvæðisrétt um val á viðkomandi fulltrúum. Félagi sem hagar aðalfundi sínum með þessum hætti er skylt að halda sérstakt deildartal.
 - h) Lög félags og nafn þess samrýmist íslensku máli og málvenju og sé í samræmi við reglur framkvæmdastjórnar um nöfn félaga.
 - i) Félag sé óháð erlendum samtökum um allt annað en alþjóðaíþróttareglur enda gangi þær hvorki í berhögg við lög ÍSí né reglur Alþjóðaólympíunefndarinnar, IOC.
 - j) Félag sé skráður lögaðili.
 - k) Aðeins einstaklingar geta verið félagsmenn í íþróttafélagi.
- 5.3 Með inntökubeiðninni skal félag senda lög og aðrar samþykktir sínar, félagatal, ásamt upplýsingum um stjórn, helstu nefndir og um stofndag félags.
- 5.4 Félag skal tilkynna viðkomandi sambandsaðilum þegar ný íþrótt er iðkuð innan íþróttafélags og hvort stofnuð er um hana sérstök deild. Hafi íþróttin ekki áður verið stunduð hjá íþróttafélagi innan ÍSí skal viðkomandi íþróttahérað vísa málinu til framkvæmdastjórnar ÍSí sem metur hvort íþróttin uppfylli skilyrði gr. 5.2.b
- 5.5 Aðalstjórn félags fer með æðsta vald í félaginu milli aðalfunda og ber ábyrgð á starfi og fjárhag félagsins í heild.
- 5.6 Félögum er heimilt að eiga tímabundið samstarf um sameiginlegt keppnislið og skal það þá koma fram í heiti sameiginlega liðsins. Gera skal skriflegan samning um slíkt samstarf, þar sem m.a. skal kveða á um ábyrgð samstarfsfélaganna og hvernig skráningu iðkenda er háttað innan félaga. Slík keppnislið skulu ekki vera með skráða iðkendur eða stjórnarmenn, heldur skulu þeir einungis vera skráðir í samstarfsfélögin.
- 5.7 Í lögum íþróttafélaga skulu að lágmarki vera ákvæði um eftirfarandi:



- a) Tilgang félags, sbr. a. liður gr. 5.2.
 - b) Félagsaðild, sbr. e. liður gr. 5.2.
 - c) Aðalfundur sé boðaður með auglýsingu með minnst tveggja vikna fyrirvara.
 - d) Ákvæði um að dagskrá aðalfundar og upplýsingar um framkomnar tillögur séu gerðar félagsmönnum aðgengilegar tímanlega fyrir aðalfund.
 - e) Ákvæði um hverjir hafi kjörgengi og atkvæðisrétt. Kjörgengi skal miðast við lögræðisaldur og atkvæðisréttur við 16 ára aldur.
 - f) Dagskrá aðalfundar.
 - g) Ákvæði um heilmild til útilokunar og brottreksturs félagsmanns úr félagi.
 - h) Slit félagsins.
 - i) Ákvæði um að lög félagsins og breytingar á þeim þarfnist staðfestingar viðkomandi íþróttahéraðs og framkvæmdastjórnar ÍSí
- 5.8 Uppfylli íþróttafélag ekki lengur ákvæði greinar 5.2. þar sem kveðið er á um skilyrði þess að félagið fái inngöngu í íþróttahérað er stjórn íþróttahéraðs heimilt að vísa því úr íþróttahéraðinu, sbr. gr. 46.4.

6 . grein – Synjun á aðild

- 6.1 Neiti íþróttahérað félagi um inngöngu, má skjóta máli því til Dómstóls ÍSí.

7 . grein – Skyldur sambandsaðila og íþróttafélaga

- 7.1 Sambandsaðilum og íþróttafélögum:
- a) Ber að fylgja lögum og reglum ÍSí og er skylt að innleiða þær breytingar sem gerðar eru á regluverki ÍSí í eigið regluverk, eftir því sem við á. Sé misræmi milli laga sambandsaðila/íþróttafélags og laga ÍSí ganga lög ÍSí frammar.
 - b) Ber að starfa í samræmi við markmið og stefnur ÍSí.
 - c) Ber að tryggja að allir sem taka þátt í starfi þeirra eða koma fram fyrir þeirra hönd, þar með talið iðkendur, starfsmenn, sjálfboðaliðar og aðrir fulltrúar, starfi í samræmi við lög, reglur, siðareglur og hegðunarviðmið ÍSí og viðeigandi sambandsaðila. Gera skal nauðsynlegar ráðstafanir til að tryggja að þeir sem starfa á þeirra vegum séu upplýstir um framangreindar reglur og viðmið og þeim sé fylgt í hvívetna.
 - d) Ber að viðhafa góða stjórnarhætti.
 - e) Ber að hlíta alþjóðalyfjareglunum og veita ÍSí og Lyfjaeftirliti Íslands fullt samstarf og aðstoð í verkefnum er varða framkvæmd lyfjaeftirlits.





- f) Sem sinna börnum og ungmennum undir 18 ára aldri er óheimilt að ráða til starfa einstaklinga sem hlotið hafa refsidóm vegna brota á ákvæðum XXII. kafla, 211. gr. eða 218. gr. almennra hegningarlaga nr. 19/1940. Sama gildir um þá sem hlotið hafa refsidóm fyrir brot gegn lögum um ávana- og fíkniefni, nr. 65/1974, á síðastliðnum fimm árum. Ákvæði þetta nær einnig til þeirra sem falin er umsjón með börnum og ungmennum undir 18 ára aldri á grundvelli sjálfboðaliðastarfs, sbr. lög nr. 64/1998.
- g) Ber að afla sakavottorðs frá einstaklingum sem til stendur að ráða innan íþróttahreyfingarinnar og eiga að sinna börnum og ungmennum undir 18 ára aldri.

8 . grein – Skýrslur

- 8.1 Fyrir 15. apríl árlega skulu sambandsaðilar ÍSÍ og íþróttafélög skila starfsskýrslu síðasta árs í gegnum félagakerfi íþróttahreyfingarinnar sem ÍSÍ leggur til. Starfsskýrsla skal innihalda upplýsingar um stjórn og starfsmenn, lög aðila og ársreikning. Starfsskýrslum íþróttafélaga skal fylgja félagatal og iðkendatal fyrir síðasta almanaksár og yfirlit yfir deildir félags. Framkvæmdastjórn er heimilt að ákveða annað fyrirkomulag og tímasetningar fyrir ofangreind skil.
- 8.2 Aðili, sem ekki skilar skýrslum í tæka tíð missir rétt til þátttöku í íþróttapingi, svo og í opinberum íþróttamótum þar til skýrslum hefur verið skilað eða samið við framkvæmdastjórn um stuttan frest til þess. Við beitingu þessarar greinar skal leitast við að refsingu sé beitt gagnvart þeim aðila, deild, félagi eða sambandi sem ábyrgð bera á því að skýrslu er ekki skilað.

9 . grein – Úrsögn sambandsaðila

- 9.1 Sambandsaðili sem segir sig úr ÍSÍ, telst ganga úr sambandinu frá upphafi næsta reikningsárs. Úrsögn er því aðeins gild, að hún hafi verið samþykkt með 4/5 hluta atkvæða viðstaddra atkvæðisbærra fulltrúa á lögmætu ársþingi viðkomandi sambandsaðila.

3. KAFLI – STJÓRN ÍSÍ

10 . grein

- 10.1 Íþrótta- og Ólympíusambandi Íslands er stjórnað af:
 - a) Íþróttapingi,
 - b) framkvæmdastjórn ÍSÍ,
 - c) framkvæmdaráði.
- 10.2 Reikningsár ÍSÍ er almanaksárið.





11 . grein – Íþróttapíng

- 11.1 Íþróttapíng er æðsta vald um málefni ÍSí.
- 11.2 Íþróttapíng skal haldið annað hvert ár, á tímabilinu 1. mars til 1. júní. Skal það auglýst með þriggja mánaða fyrirvara og ítrekað síðar. Framkvæmdastjórn ákveður fundarstað. Kjör eða tilnefning fulltrúa til setu á Íþróttapíngi fer sérstaklega fram fyrir hvert píng.
- 11.3 Eigi síðar en 2 vikum fyrir Íþróttapíng skal senda sambandsaðilum dagskrá þingsins, reikninga, fjárhagsáætlun, tillögur sem borist hafa ásamt þeim tillögum sem framkvæmdastjórn hyggst leggja fyrir þingið.
- Framlagning gagna fyrir og á Íþróttapíngi skal vera á rafrænu formi, verði því við komið.
- 11.4 Tillögur sem óskast teknar fyrir á Íþróttapíngi, skulu hafa borist framkvæmdastjórn 4 vikum fyrir þingsetningu.
- 11.5 Á Íþróttapíngi skal kjósa 5 manna kjörnefnd og tvo til vara, sem starfar til loka næsta þings. Stjórnarmenn framkvæmdastjórnar ÍSí mega ekki taka sæti í kjörnefnd. Tilkynningar um framboð skulu berast kjörnefnd eigi síðar en 3 vikum fyrir Íþróttapíng. Hafi ekki nægilegur fjöldi gefið kost á sér á þeim tíma, er kjörnefnd heimilt að framlengja framboðsfrestinn enda sé það tryggilega tilkynnt sambandsaðilum. Hafi, þrátt fyrir það, eigi borist næg framboð skal kjörnefnd hlutast til um að afla nauðsynlegs fjölda framboða.
- Til að tilkynning um framboð teljist löglegt skal eitt ólympískt sérsamband og eitt íþróttahérað hafa lýst yfir stuðningi við það.
- Kjörnefnd er eftirlitsaðili með kosningum. Framkvæmdastjórn setur kjörnefnd starfsreglur.

12 . grein

- 12.1 Á Íþróttapíngi eiga sérsambönd fulltrúa samkvæmt eftirgreindum reglum og iðkendafjölda síðastliðins almanaksárs:
- Sérsamband sem hefur 999 iðkendur eða færri á 1 fulltrúa.
- Sérsamband sem hefur 1.000 - 4.999 iðkendur á 2 fulltrúa.
- Sérsamband sem hefur 5.000 - 9.999 iðkendur á 3 fulltrúa.
- Sérsamband sem hefur 10.000 -14.999 iðkendur á 4 fulltrúa.
- Sérsamband sem hefur 15.000 - 19.999 iðkendur á 5 fulltrúa.
- Sérsamband sem hefur 20.000 iðkendur eða fleiri á 6 fulltrúa.
- Sérsamband sem hefur einungis einn fulltrúa á Íþróttapíngi, á rétt á að auki einum áheyrnarfulltrúa sem hefur tillögurétt og málfrelsi en ekki atkvæðisrétt. Hvert sérsamband má kjósa jafnmarga varamenn og nemur fulltrúatölu þess.



- 12.2 Íþróttahéruð eiga samanlagt jafn marga fulltrúa á Íþróttapingum og sérsambönd fá samkvæmt grein 12.1. Skiptast fulltrúar á íþróttahéruðin í hlutfalli við fjölda iðkenda samkvæmt iðkendatali síðastliðins almanaksárs fyrir Íþróttaping. Þó skal hvert íþróttahérað fá að lágmarki 1 fulltrúa á Íþróttaping. Íþróttahérað sem hefur einungis einn fulltrúa á Íþróttapingi, á rétt á að auki einum áheyrnarfulltrúa sem hefur tillögurétt og málfrelsi en ekki atkvæðisrétt. Hvert íþróttahérað má kjósa jafnmarga varamenn og nemur fulltrúatölu þess.
- 12.3 Sameining íþróttahéraða skal ekki leiða til færri þingfulltrúa en þau höfðu samanlagt á síðasta Íþróttapingi.
- 12.4 Á Íþróttapingi skulu þessir fulltrúar einnig eiga sæti með atkvæðisrétt:
Fulltrúar Alþjóðaólympíu nefndarinnar á Íslandi, ef um er að ræða.
Kjörinn fulltrúi í Alþjóðaólympíu nefndinni, heiðursfélagi hennar eða félagi, sem nefndin hefur heiðrað með aðild, má ekki eiga sæti á Íþróttapingi eða í framkvæmdastjórn ÍSí, hafi honum verið vísað úr nefndinni.
Tveir fulltrúar íþróttamannanefndar ÍSí.
- 12.5 Allir fulltrúar skulu vera lögráða og tilgreindir á kjörbréfi frá viðkomandi sambandsaðila. Kjörbréfum skal skilað inn til skrifstofu ÍSí eigi síðar en 2 vikum fyrir Íþróttaping.
- 12.6 Rétt til setu á Íþróttapingi með málfrelsi og tillögurétt hafa:
- a) framkvæmdastjórn og framkvæmdastjóri
 - b) heiðursforseti og heiðursfélagar
 - c) formaður dómstóls ÍSí og forseti áfrýjunardómstóls ÍSí
 - d) formenn fastanefnda
- Auk þess getur framkvæmdastjórn boðið öðrum aðilum þingsetu ef hún telur ástæðu til.
- 12.7 Einfaldur meirihluti atkvæða ræður úrslitum mála nema annað segi í lögum þessum um tiltekin mál eða málaflokka. Þegar teknar eru ákvarðanir varðandi ráðstöfun lottótekna, þarf samþykki 2/3 hluta viðstaddra atkvæðisbærra fulltrúa. Enginn fulltrúi getur farið með fleiri en þrjú atkvæði og þá eingöngu fyrir þann sambandsaðila sem hann er fulltrúi fyrir á þinginu.
- 12.8 Við afgreiðslu á málum er tengjast Ólympíuleikum, Ólympíuleikum ungmenna, Smáþjóðaleikum, Ólympíuhátíð Evrópuæskunnar, Evrópuleikum, Heimsstrandarleikum ANOC og Ólympíusamhjálpinni gilda aðeins atkvæði ólympísku sérsambandanna, enda hafi meirihluti ólympískra sérsambanda samþykkt það. Komi slík krafa fram skulu ólympísku sérsamböndin greiða um það atkvæði áður en mál er tekið til afgreiðslu.
Við slíkar atkvæðagreiðslur hefur hvert ólympískt sérsamband eitt atkvæði. Á kjörbréfum ólympískra sérsambanda skal tilgreina hvaða fulltrúi sambandsins fer með atkvæði þess í slíkum tilfellum.





Komi ekki fram krafa um að ólympísku sérsamböndin greiði ein atkvæði eða hafi slík krafa ekki hlotið stuðning meirihluta ólympísku sérsambandanna skulu gilda sömu reglur um meðferð þessara mála og um önnur mál. Verði ágreiningur um það hvort mál tengist ofangreindum ólympísku málaflokkum skal þingforseti úrskurða um það. Bera má úrskurð þingforseta undir Íþróttapingið og við þá atkvæðagreiðslu skulu fulltrúar ólympísku sérsambandanna fara með meirihluta atkvæða.

- 12.9 Það samræmist ekki stöðu ÍSí sem samtaka á sviði frjálsrar íþróttastarfsemi, að opinber stjórnvöld tilnefni fulltrúa á Íþróttaping með atkvæðisrétti. Á hinn bóginn er sambandsaðilum frjálst að kjósa menn, er gegna stjórnunarstörfum í þágu ríkis eða sveitarfélaga, sem fulltrúa sína á Íþróttapingi. Hið sama á við um kjör eða tilnefningu fulltrúa samkvæmt gr. 12.3.
- 12.10 Fulltrúar á Íþróttapingi skulu ekki þiggja laun af neinu tagi vegna starfa sinna. Þessi meginregla hefur þó ekki áhrif á laun manna, sem gegna stjórnunarstörfum á sviði íþróttar.
- 12.11 Stjórnarmenn framkvæmdastjórnar ÍSí og kjörnir fulltrúar dómstóla mega ekki taka stöðu þingfulltrúa á Íþróttapingi.

13. grein – Dagskrá Íþróttapings

- 13.1. Dagskrá Íþróttapings skal vera eftirfarandi:
1. Forseti setur þing.
 2. Kjörnir 1. og 2. þingforseti.
 3. Kjörnir 1. og 2. þingritari.
 4. Kosning 5 manna kjörbréfanefndar.
 5. Kjöri Heiðursfélaga ÍSí lýst.
 6. Ávörp gesta.
 7. Lögð fram skýrsla framkvæmdastjórnar.
 8. Lagðir fram endurskoðaðir reikningar.
 9. Umræður og samþykkt reikninga.
 10. Kosning þingnefnda:
 - a) Fjárhagsnefnd 5 manna.
 - b) Allsherjarnefnd 5 manna.
 - c) Laganefnd 5 manna.
 - d) Afreksnefnd 5 manna.
 - e) Aðrar nefndir skv. ákvörðun þings hverju sinni.
 11. Stofnun nýrra sérsambanda, ef við á.
 12. Lögð fram fjárhagsáætlun til samþykktar.
 13. Lagabreytingatillögur.
 14. Aðrar tillögur sem kynntar voru í fundarboði.



15. Teknar fyrir tillögur og önnur mál sem lögð hafa verið fyrir þingið og þingmeirihluti leyfir.
16. Kjörnefnd kynnir framboð.
17. Þingnefndir starfa.
18. Þingnefndir gera grein fyrir störfum sínum.
19. Tillögur fjárhagsnefndar.
20. Kosningar:
 - a) Framkvæmdastjórn sbr. 17. gr.
 - b) Staðfesting fulltrúa Íþróttamannanefndar ÍSí í framkvæmdastjórn, sbr. grein 17.1. c-lið.
 - c) Tveir skoðunarmenn og tveir til vara.
 - d) Sex dómarar í dómstól ÍSí og sex dómarar í áfrýjunardómstól ÍSí.
 - e) Kjörnefnd 5 manna og tveir til vara, sbr. grein 11.5Allar kosningar gilda fram að kosningu á næsta Íþróttþingi að undanskilinni kosningu til framkvæmdastjórnar er gildir til fjögurra ára. Þær skulu vera skriflegar nema aðeins sé stungið upp á jafnmörgum og kjósa skal.
21. Þingslit

14 . grein – Aukaping

- 14.1 Aukaping skal kalla saman með a.m.k. mánaðar fyrirvara:
 - a) Eftir ákvörðun Íþróttþings.
 - b) Þegar a.m.k. helmingur sambandsaðila óskar þess.
 - c) Þegar framkvæmdastjórn ÍSí telur það nauðsynlegt.
- 14.2 Tillögur um málefni sem óskast tekin fyrir á aukapingi skulu hafa borist framkvæmdastjórn ÍSí 15 dögum fyrir þingsetningu.
- 14.3 Eigi síðar en 10 dögum fyrir aukaping skal senda aðilum dagskrá þingsins.
- 14.4 Á aukapingi má ekki gera breytingar á lögum eða öðrum reglum ÍSí né kjósa í stjórn þess, nema bráðabirgðastjórn, ef meiri hluti framkvæmdastjórnar hefur sagt af sér eða hætt störfum af öðrum ástæðum, eða stjórnin að eigin dómi hefur orðið óstarfhæf.
- 14.5 Fulltrúar á aukapingi eru þeir sömu og kjörnir voru til næsta reglulegs þings á undan og gilda sömu kjörbréf. Kjósa má nýja fulltrúa í stað þeirra sem eru látnir, veikir eða hættir afskiptum af starfi þeirra sambandsaðila sem þeir voru fulltrúar fyrir.
- 14.6 Að öðru leyti gilda um aukaping sömu ákvæði og um reglulegt Íþróttþing.





15 . grein - Formannafundur

- 15.1 Forseti skal boða til formannafundar á tímabilinu október til desember ár hvert. Formannafund skal boða með minnst mánaðar fyrirvara, og dagskrárliðir kynntir eigi síðar en tveimur vikum fyrir fund. Formannafundur er ráðgefandi samkoma og er heimilt að álykta um málefni tengd starfsemi ÍSí og skulu þær ályktanir vera í samræmi við lög og stefnu sambandsins.
- 15.2 Formannafund sækja:
- a) Framkvæmdastjórn ÍSí.
 - b) Formenn og framkvæmdastjórar íþróttahéraða.
 - c) Formenn og framkvæmdastjórar sérsambanda.
- Í forföllum formanna íþróttahéraða og sérsambanda taka varaformenn sæti í þeirra stað. Að öðrum kosti stjórnarmenn samkvæmt ákvörðun hlutaðeigandi stjórnar. Að auki getur framkvæmdastjórn boðið öðrum aðilum að sitja fundi ef hún telur ástæðu til.
- 15.3 Skýlt er að boða til formannafundar ef helmingur formanna óskar þess skriflega.
- 15.4 Ferðakostnaður fundarmanna innanlands greiðist samkvæmt reikningi samþykktum af ÍSí.

16 . grein – Dagskrá formannafundar

- 16.1 Dagskrá formannafunda skal vera eftirfarandi:
1. Fundarsetning.
 2. Kosning fundarstjóra og fundarritara.
 3. Skýrsla framkvæmdastjórnar um liðið ár.
 4. Fjármál ÍSí.
 5. Umræður um skýrslu og fjármál.
 6. Tillögur til kynningar um stofnun nýrra sérsambanda.
 7. Framtíðarsýn.
 8. Mál sem framkvæmdastjórn leggur fyrir formannafund hverju sinni.
 9. Önnur mál.
 10. Fundarslit.

17 . grein – Framkvæmdastjórn

- 17.1 Í framkvæmdastjórn ÍSí eiga sæti:
- a) Fulltrúi Alþjóðaólympíunefndarinnar (IOC) á Íslandi, hafi hann verið kjörinn í nefndina á grundvelli ríkisfangs og búsetu eða aðalbækistöðvar hér á landi.
 - b) 9 menn kosnir á Íþróttapingi.
- Kosning fari þannig fram:





1. Forseti

Til að hljóta kosningu þarf forseti að fá meirihluta greiddra atkvæða. Ef slík niðurstaða fæst ekki í fyrstu umferð er komið aftur milli þeirra tveggja frambjóðenda sem felst atkvæði fengu.
 2. 8 meðstjórnendur. Kosning skal fara þannig fram að kjörtímabil er fjögur ár og skal helmingur meðstjórnenda kjörinn á hverju Íþróttapingi.
 - c) Einn meðstjórnandi er tilnefndur af Íþróttamannanefnd ÍSí, skv. Reglugerð ÍSí um Íþróttamannanefnd ÍSí og samþykktur af Íþróttapingi ÍSí.
 - d) Stjórnin velur sér 1. varaforseta, 2. varaforseta og gjaldkera úr sínum hópi. Falli forseti frá eða hættir á kjörtímabilinu tekur 1. varaforseti sæti hans fram að næsta Íþróttapingi. Sé forsetakjör ekki á dagskrá þess þings skal þrátt fyrir það kjörinn nýr forseti til tveggja ára. Hætti meðstjórnandi störfum eða falli hann frá skal kosinn meðstjórnandi í hans stað á næsta Íþróttapingi og skal kjörtímabil hans vera það sama og þess sem hann kemur í stað.
 - e) Ný stjórn tekur til starfa við þingslit Íþróttapings.
- 17.2 Framkvæmdastjórn heldur fundi að jafnaði einu sinni í mánuði. Milli funda annast framkvæmdaráð, þar sem sitja forseti, 1. varaforseti, 2. varaforseti og gjaldkeri um erindi sem berast framkvæmdastjórn og afgreiðslu þeirra. Framkvæmdastjóri sér um daglegan rekstur sambandsins. Forseti boðar til funda í framkvæmdastjórn. Komi til atkvæðagreiðslu á fundi framkvæmdastjórnar og atkvæði falla jöfn, þá skal atkvæði forseta ráða úrslitum.
- 17.3 Þeir sem kjörnir eru í framkvæmdastjórn skulu vera lögráða og ekki hafa á síðustu þremur árum hlotið dóm fyrir refsiverðan verknað samkvæmt almennum hegningarlögum eða lögum um hlutafélög, einkahlutafélög, bókhald, ársreikninga eða skattalögum. Þá skal bú þeirra ekki hafa verið tekið til gjaldþrotaskipta á síðastliðnum þremur árum.
- 17.4 Þeir sem kjörnir eru í framkvæmdastjórn, skulu hvorki vera í launuðu starfi hjá sambandsaðilum né sitja í stjórnnum þeirra. Hið sama gildir um formann Afrekssjóðs ÍSí.
- 17.5 Einstaklingur skal ekki sitja lengur en 12 ár sem forseti og 12 ár sem almennur stjórnarmaður, eða samtals í 24 ár. Þó telst sá tími sem einstaklingur hefur setið í framkvæmdastjórn sem fulltrúi íþróttamannanefndar ekki til þess tíma.
- 17.6 Þinggerðir Íþróttapings, er lúta að kosningu til framkvæmdastjórnar, skulu sendar Alþjóðaólympíu nefndinni í endurriti, sem forseti og framkvæmdastjóri ÍSí staðfesta fyrir þess hönd. Breytingar á skipan framkvæmdastjórnar á kjörtímabili hennar skulu tilkynntar með hliðstæðum hætti.
- 17.7 Stjórnarmaður telst vanhæfur til að fjalla um og taka þátt í afgreiðslu máls ef:
- a) viðkomandi hefur persónulega eða fjárhagslega hagsmuni af niðurstöðu máls, eða hefur í sama máli verið eða er fulltrúi einhvers sem hefur slíka hagsmuni,



- b) maki hans eða fyrrum maki, aðili skyldur eða mægður honum í beinan legg eða öðrum legg til hliðar eða tengdur honum með sama hætti vegna ættleiðingar hefur sömu hagsmuni og getið er um í a. lið,
- c) viðkomandi tekur þátt í stjórn eða hefur nánin tengsl við félag eða lögaðila sem hefur sérstaka hagsmuni af niðurstöðu máls,
- d) aðrar aðstæður eru fyrir hendi sem gætu vakið vafa um óhlutdrægni viðkomandi.

Stjórnarmaður skal sjálfur meta hvort hann sé vanhæfur til að fjalla um eða taka ákvörðun í máli. Ef stjórnarmaður telur sig vanhæfan skal hann tilkynna það stjórn og víkja sæti við meðferð málsins.

Ef vafi leikur á hæfi stjórnarmanns að mati annarra stjórnarmanna eða hlutaðeigandi aðila, skal stjórnin, að viðkomandi stjórnarmanni undanskildum, taka ákvörðun um hæfi hans áður en málið er tekið til afgreiðslu.

Stjórnarmaður, sem talinn er vanhæfur, skal hvorki taka þátt í umræðu né ákvörðunartöku í málinu. Hann skal víkja af fundi meðan málið er tekið fyrir, nema stjórn ákveði annað.

- 17.8 Framkvæmdastjórn ÍSí skal setja sér starfsreglur þar sem m.a. er fjallað um ákvörðunarbærni stjórnar, tilhögun ákvarðanatöku og birtingu fundargerða.

18 . grein – Störf framkvæmdastjórnar

- 18.1 Helstu störf framkvæmdastjórnar eru þessi:

- a) Að fylgja eftir samþykktum Íþróttapings.
- b) Að stýra málefnum ÍSí milli Íþróttapinga.
- c) Að móta stefnu og framtíðarsýn sambandsins sem staðfest skal á Íþróttapingi.
- d) Að annast rekstur sambandsins.
- e) Að vinna fjárhagsáætlun til tveggja ára sem staðfest skal á Íþróttapingi.
- f) Að sjá um viðskipti við innlenda og erlenda aðila um mál, sem ekki heyra undir sérsambönd.
- g) Að fylgjast með störfum sérsambanda og íþróttahéraða. Skal framkvæmdastjórn í þessu skyni:
 - 1. Hafa fullan aðgang að bókhaldi og fylgiskjöllum sambandsaðila og ef ástæða þykir til getur framkvæmdastjórn tilnefnt sérstakan endurskoðanda fyrir sérsamband eða íþróttahérað og fyrirskipað ítarlega rannsókn á fjárreiðum viðkomandi sambandsaðila. Sambandsaðili getur krafist þess að bókhaldsgögn fari eingöngu um hendur löggilts endurskoðanda.
 - 2. Fylgjast með því að lögum og reglum ÍSí og sambandsaðila þess sé hlýtt.
 - 3. Fylgjast með því að þing/aðalfundir sambandsaðila séu haldnir og ef þörf krefur, annast um boðun og framkvæmd þeirra.
- h) Að sjá til þess að samdar séu þær almennar reglur, er gilda skuli fyrir allar íþróttagreinar.





- i) Að semja og gefa út reglugerðir um störf nefnda.
 - j) Framkvæmdastjórn getur ákveðið að gegna hlutverki sérsambandsstjórnar í þeim íþróttagreinum, þar sem sérsamband hefur ekki verið stofnað.
 - k) Að banna þátttöku erlendra keppenda í mótum hérlandis, telji framkvæmdastjórnin hana miður heppilegar fyrir hagsmuni heildarsamtakanna.
 - l) Að staðfesta lög sambandsaðila.
 - m) Viðurkenna nýjar íþróttagreinar.
 - n) Setja reglur um hlutverk fastanefnda ÍSí.
- 18.2 Fari sambandsaðili ekki að lögum, reglum eða fyrirmælum ÍSí skal framkvæmdastjórn ÍSí áminna viðkomandi sambandsaðila og beina tilmælum um úrbætur til hans. Bregðist sambandsaðili ekki við tilmælum framkvæmdastjórnar í kjölfarið getur framkvæmdastjórn ÍSí höfðað mál gegn viðkomandi sambandsaðila fyrir Dómstól ÍSí, sbr. grein 31.3 í lögum ÍSí.

19 . grein – Skipun nefnda

- 19.1 Í upphafi starfstíma síns skipar framkvæmdastjórn fastanefndir og ráð sem sitja fram að næsta Íþróttapingi.
- Þær fastanefndir sem skipa skal eru: Stjórn Afrekssjóðs, stjórn Afreksmiðstöðvar Íslands, Heilbrigðisráð, Fjármálaráð, Laganefnd, Heiðursráð, Upplýsinga- og fjölmiðlanefnd og Alþjóðanefnd.
- Að auki telst Íþróttamannanefnd ÍSí til fastanefnda en í hana er valið samkvæmt Reglugerð ÍSí um Íþróttamannanefnd ÍSí.
- 19.2 Aðrar nefndir eru skipaðar eftir því sem tilefni gefst til að mati framkvæmdastjórnar m.a. til að annast afreks- og Ólympíumál, þróunar- og fræðslumál og málefni almenningsíþrótta. Ráðgjafahópa skal skipa eftir þörfum.
- 19.3 Við skipan í nefndir skal þess gætt, eftir því sem við á, að samsetning nefnda sé sem fjölbreyttust með tilliti til kyns, aldurs, uppruna, reynslu og annarra þátta.

4. KAFLI – DÓMSTÓLAR ÍSí

4.1. – Dómstólaskipan

20 . grein – Dómstigin

- 20.1 Dómstig dómstóla Íþrótta- og Ólympíusambands Íslands (ÍSí) eru tvö, Dómstóll ÍSí og Áfrýjunardómstóll ÍSí. Nefnast þau einu nafni dómstólar ÍSí.
- 20.2 Dómstólar ÍSí hafa aðsetur í höfuðstöðvum ÍSí.
- 20.3 Dómstólar ÍSí hafa fullnaðarlögsögu yfir þeim málefnum sem koma upp innan íþróttahreyfingarinnar og sem varða lög og reglur Íþrótta- og Ólympíusambands Íslands (ÍSí), sérsambanda, íþróttahéraða, aðildarfélaga eða einstakra iðkenda eftir því sem við á.





- 20.4 Dómstóll ÍSí er fyrsta dómstig í málum sem upp koma innan íþróttahreyfingarinnar, sbr. þó grein 20.6 og er Áfrýjunardómstóll ÍSí æðsti dómstóll innan íþróttahreyfingarinnar.
- 20.5 Dómstólar ÍSí byggja niðurstöður sínar á lögum og reglum ÍSí, sambandsaðila og viðkomandi íþróttafélaga þegar við á og meginreglum íþróttaréttar.
- 20.6 Þrátt fyrir grein 20.3 er sérsamböndum innan Íþrótta- og Ólympíusambands Íslands heimilt að ákveða í lögum sínum að viðkomandi sérsamband hafi sérstaka dómstóla, undirdómstig og áfrýjunardómstig, innan viðkomandi sérsambands.
- Málefni sérsambanda heyra undir dómstóla ÍSí þar til lagabreyting sem tiltekur að viðkomandi sérsamband hafi tekið upp eigið dómstólakerfi með undirdómstigi og áfrýjunardómstigi, hefur verið staðfest af framkvæmdastjórn ÍSí.
- Dómstólar þeirra sérsambanda sem taka upp eigið dómstólakerfi skulu lúta dómstólareglum viðkomandi sérsambands og skulu öll ágreiningsmál er varða þá íþróttagrein rekin fyrir viðkomandi sérsambandsdómstólum. Lög ÍSí um dómstólaskipan skulu þó standa þeim til fyllingar, eftir því sem við getur átt.
- ÍSí skal á skrifstofu sinni halda skrá yfir þau sérsambönd sem hafa eigin dómstóla og skulu sérsambönd tilkynna án tafar allar breytingar sem verða á dómstólaskipan sinni.
- 20.7 Dómstóll ÍSí er þó ávallt fyrsta dómstig er varða brot á lyfjareglum Lyfjaeftirlits Íslands.

21 . grein – Almenn hæfisskilyrði

- 21.1 Kjörnir dómarar dómstóla ÍSí skulu fullnægja eftirfarandi skilyrðum:
- a) að vera svo á sig komnir andlega og líkamlega að þeir geti gegnt embættinu,
 - b) að hafa lokið embættisprófi eða grunnnámi ásamt meistaraprófi í lögum,
 - c) að hafa náð 25 ára aldri.
- Þau sem kjörin eru í dómstóla ÍSí skulu hvorki vera í launuðu starfi hjá sambandsaðilum né sitja í stjórnum þeirra.
- 21.2 Meðdómarar sem taka sæti í dómstól ÍSí skulu hafa almenna þekkingu á íþróttalögum og málefnum íþróttahreyfingarinnar, eða aðra þá sérþekkingu sem nauðsynleg telst í viðkomandi máli.

22 . grein - Vanhæfi

- 22.1 Dómari, þar á meðal meðdómari, er vanhæfur til að fara með mál ef:
- a) hann er aðili að málinu eða fyrirsvarsmaður aðila,
 - b) hann hefur gætt réttar aðila varðandi sakarefnið eða veitt aðila leiðbeiningar um það, umfram skyldu sem dómarar hafa,
 - c) hann hefur borið eða verið kvaddur til að bera vitni um atvik málsins af réttmætu tilefni eða verið mats- eða skoðunarmaður um sakarefnið,
 - d) hann er eða hefur verið maki aðila, skyldur eða mægður aðila í beinan legg eða tengdur aðila með sama hætti vegna ættleiðingar,



- e) hann tengist eða hefur tengst fyrirvarsmanni eða málflytjanda með þeim hætti er segir í d-lið,
 - f) hann tengist eða hefur tengst vitni í málinu með sama hætti og segir í d-lið,
 - g) hann hefur komið að úrlausn málsins á fyrri stigum þess,
 - h) fyrir hendi eru önnur atvik eða aðstæður sem eru fallnar til þess að draga óhlutdrægni hans með réttu í efa, m.a. ef dómari eða náinn skyldmenni eru félagsbundin aðila máls.
- 22.2 Verði allir dómarar dómstóls vanhæfir til setu í dómsmáli skal framkvæmdastjórn ÍSí skipa dómara á stjórnarfundum sínum sem uppfyllir hæfisskilyrði til að fara með málið. Sé um fjölskipaðan dóm að ræða skal sá sem skipaður er af framkvæmdastjórn velja aðra dómara.

4.2. – Dómstóll ÍSí

23. grein – Skipan dómsins

- 23.1 Dómarar dómstóls ÍSí skulu vera sex, kosnir á reglulegu Íþróttapeingi til setu í dómnum til næsta reglulega þings.
- 23.2 Á fyrsta dómarafundi eftir reglulegt Íþróttapeing skulu dómarar koma saman og kjósa dómsformann. Náist ekki niðurstaða með kosningu hver skuli kosinn formaður dómsins skal varpað hlutkesti milli þeirra sem flest atkvæði fá í kosningu. Þá skal kosinn fyrsti og annar varaformaður dómsins með sama hætti.
- 23.3 Dómurinn skal hafa starfsaðstöðu á skrifstofu ÍSí. Allar kærur skulu berast á skrifstofu dómsins eða með rafrænum hætti sem auglýstur er á heimasíðu sambandsins. Formaður ákveður hver af hinum reglulegu dómurum fer með það mál sem er til meðferðar. Mál skal rekið þar sem hagkvæmast er fyrir aðila hverju sinni.
- 23.4 Einn dómari skal fara með hvert mál.
- 23.5 Í málum sem varða meint brot á 43. gr. laga ÍSí og þegar fram koma varnir af hálfu kærða ber dómara að kalla til tvo meðdómara í dóminn og skal a.m.k. annar þeirra hafa lokið háskólaprófi í læknisfræði eða öðrum lífvísindum. Nú telur dómari þörf á meðdómurum, þrátt fyrir að varnir hafi ekki komið fram, og er honum þá einnig heimilt, í samráði við formann dómsins, að kalla til tvo meðdómara. Meðdómarar þurfa ekki að vera löglærðir.





24 . grein – Kærufrestur

- 24.1 Kærufrestur til dómstóls ÍSÍ er tíu virkir dagar og skal talið frá og með deginum eftir að atvik það, sem kært er bar við eða ástandi lauk ef um ástandsbrot er að ræða séu ekki skemmri frestir ákveðnir í lögum viðkomandi sársambands. Í málum er varða brot á 45. grein laga ÍSÍ skal kærufrestur þó vera fjórar vikur frá því að öll gögn málsins berast ákæruneftnd Lyfjaeftirlits Íslands.
- 24.2 Dómstóll ÍSÍ getur veitt leyfi til að mál sé höfðað eftir að kærufrestur er liðinn ef sérstakar ástæður eru fyrir hendi.
- 24.3 Sé máli vísað frá dómi hefur kærandi frest í fimm virka daga til að skjóta málinu aftur fyrir dómstólinn. Frestur skal byrja að líða þegar frávísun berst kæranda og almennir frídagar skulu ekki telja með.

25 . grein – Meðalganga og upplýsingagjöf

- 25.1 Telji aðili að mál varði mikilsverða hagsmuni hans, er honum heimilt að beina þeirri kröfu til dómsins að hann verði aðili málsins. Krafa þessi þarf að koma fram svo fljótt sem verða má og eigi síðar en við aðalflutning málsins.

26 . grein – Form og efni kæru

- 26.1 Kæra skal vera skrifleg. Dómstóll ÍSÍ skal láta útbúa sérstakt eyðublað sem nota má sem kæru. Eyðublað þetta skal liggja frammi á skrifstofu ÍSÍ.
- 26.2 Eftirfarandi upplýsingar skulu koma fram í kæru:
- a) Nafn, kennitala og heimilisfang kæranda.
 - b) Nafn kærða, kennitala og heimilisfang.
 - c) Nafn fyrirsvarsmanns kæranda, heimilisfang hans, símanúmer og netfang.
 - d) Greinargóð lýsing á því hvaða kröfur eru gerðar í málinu.
 - e) Lýsing helstu málavaxta.
 - f) Tilvísun til þeirra lagareglna sem við eiga.
 - g) Lýsing á helstu röksemdum aðila málsins.
 - h) Lýsing á þeim gögnum sem kærandi byggir mál sitt á, ásamt ljósriti af þeim gögnum.
 - i) Upptalning á þeim vitnum sem kærandi mun kalla til skýrslutöku.
- 26.3 Kæra, ásamt fylgigögnum, skal send á skrifstofu dómstólsins eða með rafrænum hætti sem auglýstur er á heimasíðu sambandsins.

27 . grein - Málsmeðferð

- 27.1 Mál telst höfðað með því að kæra berst á skrifstofu ÍSÍ. Kærandi á rétt á því að fá kvittun fyrir móttöku kærunnar.





- 27.2 Formaður dómsins skal svo fljótt sem hægt er taka afstöðu til þess hvort einhverjir formgallar samkvæmt 26. gr., eða skortur á aðild/aðildarhæfi, geri að verkum að málið sé ekki tækt til meðferðar. Séu slíkir gallar á málinu skal dómsformaður vísa málinu frá dómi með úrskurði.
- 27.3 Telji dómsformaður að málið sé réttilega höfðað og innan kærufrests skal hann innan tveggja virkra daga ákveða hvaða dómari skuli fara með málið.
- 27.4 Sé dómsformaður forfallaður skulu varaformenn annast þau verkefni sem til falla í þeirri röð sem þeir eru kosnir.
- 27.5 Dómari sem fær mál til meðferðar skal án tafar senda kærða (varnaraðila) áskorun um að halda uppi vörnum í málinu ásamt afriti af kærinni. Áskorunina skal senda með ábyrgðarbréfi eða á annan sannanlegan hátt. Almennt skal frestur til að skila greinargerð ekki vera lengri en ein vika. Greinargerð varnaraðila skal uppfylla þau skilyrði er koma fram í 26. grein, eftir því sem við getur átt.
- 27.6 Hver aðili skal hafa rétt á túlki við skýrslugjöf ef dómstóllinn telur þörf á því. Dómstóllinn metur hverju sinni á hvorn aðila kostnaður af slíkri þjónustu fellur.
- 27.7 Dómari getur óskað eftir skriflegum athugasemdum frá sérsambandi eða öðrum þeim sem málið varðar.
- 27.8 Þegar dómari hefur móttekið greinargerð varnaraðila, skal hann boða til þinghalds, þingfesta málið og ákveða framhald þess, þ.m.t. hvort málið skal flutt munnlega eða skriflega. Ef mál er ekki munnlega flutt skal aðilum gefinn stuttur frestur til að skila skriflegum athugasemdum. Dómari getur ákveðið annan hátt á málsmeðferð eftir þingfestingu.
- 27.9 Dómur skal kveðinn upp innan 10 virkra daga frá því að málflutningi lauk eða málið var tekið til efnismeðferðar/úrskurðar.
- 27.10 Birta skal aðilum dóm eða úrskurð á ábyrgðarbréfi eða á annan sannanlegan hátt, ef þeir eru ekki viðstaddir dómsuppsögn og skal þá jafnframt greint frá heimild aðila til áfrýjunar, áfrýjunarfresti og hvert áfrýja megi.
- 27.11 Tilkynna skal alla dóma um óhlutgengi félagi hins dómfellda og viðkomandi íþróttahéraði og viðkomandi sérsambandi, ef um einstakling er að ræða, en hlutaðeigandi samtökum íþróttahreyfingarinnar, ef dómþoli er félag.

28. grein – Lokað þinghald

- 28.1 Þinghald skal háð í heyranda hljóði. Hvort sem aðili krefst þess eða ekki getur dómari ákveðið að þinghald fari fram fyrir luktum dyrum, telji hann það nauðsynlegt:
- a) til hlífðar aðila eða öðrum sem málið varðar,
 - b) af velsæmisástæðum.
- 28.2 Ákvörðun skal tilkynnt málsaðilum svo fljótt sem auðið er og greint frá því af hverri ástæðu hún var tekin ásamt rökstuðningi þess efnis. Ákvörðun þessi verður ekki endurskoðuð af æðri dómstól nema að kröfu aðila við áfrýjun máls sbr. grein 28.4.



- 28.3 Hafi dómari samkvæmt grein 28.1. lokað þinghaldi skal niðurstaða dómstólsins aðeins birt hafi persónuupplýsingar og aðrar viðkvæmar upplýsingar sem fram koma í málinu verið afmáðar úr dómnum. Við sérstakar aðstæður er dómara heimilt að ákveða að aðeins verði birtur útdráttur úr dómi með helstu málsatvikum og niðurstöðu ef afmáning persónuupplýsinga dugir ekki til að halda viðkvæmum persónuupplýsingum leyndum sem almennt skuli fara leynt með.
- 28.4 Sé máli skotið til Áfrýjunardómstóls ÍSí hefur áfrýjunardómstóllinn heimild til að endurmeta ákvörðun dómara Dómstóls ÍSí um lokað þinghald enda krefjist aðili þess fyrir æðri dómstól að þinghald sé opið.

29 . grein – Flýtimeðferð máls

- 29.1 Telji formaður dómsins augljóst við skoðun á kæru sem honum berst, að brotið hafi verið gegn lögum og reglum íþróttahreyfingarinnar, er honum heimilt að beina þeirri kröfu til gagnaðila, að hann upplýsi innan sólarhrings hvort hann hyggst hafa varnir uppi í málinu og hverjar þær varnir séu. Komi í ljós að engar varnir verða hafðar uppi í málinu eða ef framkomnar varnir eru bersýnilega tilgangslausar er honum heimilt með úrskurði að dæma kæranda í hag.
- 29.2 Heimilt er að skjóta úrskurði samkvæmt gr. 29.1. til Áfrýjunardómstóls ÍSí. Fer um það skv. 35. gr.

30 . grein – Tilnefning talsmanns fyrir dómi

- 30.1 Hver málsaðili á rétt á málssvara á eigin kostnað við meðferð málsins fyrir dómstólum ÍSí.
- 30.2 Telji dómurinn að hætta sé á að málsstaður annars málsaðila verði fyrir tjóni vegna þess að hann er ekki fær um að koma sínum sjónarmiðum að í málinu, getur formaður dómsins upplýst framkvæmdastjóra ÍSí um slíkt. Framkvæmdastjóri ÍSí skal þá skipa aðila til að gæta hagsmuna viðkomandi í málinu á kostnað ÍSí.

31 . Kæururéttur

- 31.1 Rétt til kæru hefur hver sá, einstaklingar, félög og félagasamtök, sem misgert er við og hagsmuni hafa af niðurstöðu máls.
- 31.2 Sérsambönd, íþróttahéruð og félög geta höfðað mál vegna allra atriða er varða viðkomandi sérsamband, íþróttahérað eða félag.
- 31.3 Framkvæmdastjórn ÍSí, getur höfðað mál vegna allra brota á lögum og reglum ÍSí.
- 31.4 Lyfjaeftirlit Íslands getur höfðað mál vegna brota á 45. grein.

32 . grein – Sættir

- 32.1 Dómari leitar sátta ef aðilar fara með forræði á sakarefni nema hann telji víst að sáttatilraun verði árangurslaus vegna eðlis málsins, afstöðu aðila eða annarra ástæðna.





- 32.2 Dómari getur synjað aðilum um að gera dómssátt ef hann telur ólöglegt að gera hana, efni hennar óljóst eða ómögulegt að efna hana. Dómari kveður upp úrskurð um þetta ef þess er krafist. Dómssátt má gera um hluta máls. Verður það þá rekið áfram að öðru leyti. Ef sátt tekst um annað en málskostnað skal hann ákveðinn með úrskurði.
- 32.4 Sátt má gera um kröfur þótt þær hafi ekki verið gerðar fyrir dómi.
- 32.5 Dómssátt fyrir dómi skal birt eins og aðrar úrlausnir dómstólsins.

4.3 Áfrýjunardómstóll ÍSí

33 . grein – Skipan dómsins

- 33.1 Í áfrýjunardómstól ÍSí skulu eiga sæti sex dómarar kosnir af reglulegu Íþróttapingi til setu í dómnum til næsta reglulega þings.
- 33.2 Forseti dómsins og varaforseti skulu kosnir á fyrsta dómarafundi eftir reglulegt Íþróttaping. Verði atkvæði jöfn við kosningu, skal varpað hlutkesti milli þeirra sem flest atkvæði fá í kosningu.

34 . grein – Fjöldi dómara

- 34.1 Þrír dómarar skulu dæma hvert mál fyrir dómstólnum. Forseti dómsins skal ákveða hverju sinni hvaða þrír dómarar skuli fara með mál. Forseti, eða varaforseti í forföllum hans, skal úrskurða um hæfi einstakra dómenda.

35 . grein – Áfrýjun

- 35.1 Heimilt er að skjóta til áfrýjunardómstóls ÍSí, dómum og úrskurðum dómstóls ÍSí.
- 35.2 Þar sem sersamband ákveður að hafa sérstaka dómstóla þá verður málum þeirra ekki skotið til áfrýjunardómstóls ÍSí. Þó er heimilt að áfrýja þeim málum áfrýjunardómstóla sersambanda sem varða Ólympíusáttmálann eða túlkun á honum. Áfrýjunardómstóll ÍSí ákveður í þessum tilvikum hvort kæruatriði séu þess eðlis að hann eigi um þau að fjalla. Ef áfrýjunardómstóllinn hafnar kæruatriðum áfrýjanda er málinu endanlega lokið.
- 35.3 Frestur til að áfrýja máli til áfrýjunardómstólsins skal vera ein vika frá því að aðila máls var fyrst kunnugt um niðurstöðu málsins, en þó eigi síðar en 4 vikum eftir að dómur undirréttar var upp kveðinn.
- 35.4 Sá sem hyggst áfrýja máli skal senda áfrýjunardómstólnum sérstaka greinargerð þar sem lýst er þeim sjónarmiðum sem áfrýjandi byggir á ásamt gögnum málsins.
- 35.5 Eftirtaldir aðilar hafa áfrýjunarrétt í málum er varða brot á 2. gr. í lyfjareglum Lyfjaeftirlits Íslands af hálfu íþróttamanns:
- a) hinn ákærði,
 - b) ákærufnd Lyfjaeftirlits Íslands,
 - c) Alþjóða Lyfjaeftirlitsstofnunin World Anti-Doping Agency, WADA,



- d) viðkomandi alþjóðlegt sérsamband,
- e) annar framkvæmdaraðili lyfjaeftirlits, sem hefði getað farið fram á refsingu yfir ákærða samkvæmt eigin reglum,
- f) Alþjóðaólympíunefndin eða eftir atvikum Alþjóðaólympíunefnd fatlaðra.

36 . grein – Ný gögn og málsmeðferð

- 36.1 Ný gögn skulu ekki lögð fram fyrir áfrýjunardómstól. Vitna og aðilaskýrslur skulu ekki fara fram.
- 36.2 Dómstólnum er heimilt að víkja frá ákvæði 1. mgr. þegar sérstaklega stendur á.
- 36.3 Málsmeðferðarreglur kafla 4.2 laganna skulu gilda um áfrýjunardómstól ÍSí eftir því sem við á.

4.4 Almenn ákvæði

37 . grein – Tegundir brota

- 37.1 Undir dómstóla ÍSí heyra öll brot á lögum ÍSí, sérsambanda, íþróttahéraða og félaga samkvæmt þeim lögum og reglum er um það gilda sbr. þó grein 20.6 og auk þess:
 - 1. Brot gegn móta- og leikreglum.
 - a) Að láta skrá íþróttamann til keppni gegn vilja hans eða að honum forspurðum.
 - b) Að koma ekki til leiks án löglegra forfalla, ef hlutaðeigandi íþróttamaður hefur látið skrá sig til keppni.
 - c) Að blekkja eða reyna að blekkja starfsmann í leik eða óhlýðnast fyrir mælum sem hann gefur stöðu sinni samkvæmt.
 - d) Að koma ósæmilega fram við eða ögra starfsmanni meðan á móti eða sýningu stendur eða síðar sakir atvika, sem þar gerðust.
 - e) Að taka þátt í keppni eða sýningu með eða undir forsjá aðila, félags eða einstaklings, sem úrskurðaður hefur verið óhlutgengur, enda hafi óhlutgengisúrskurðurinn verið birtur samkvæmt grein 27.10 og 27.11.
 - 2. Brot gegn íþróttasamtökum.
 - a) Að bera yfirvöld, einstaklinga eða félög innan íþróttahreyfingarinnar röngum sökum eða kæra þau að ástæðulausu.
 - b) Að blekkja eða reyna að blekkja yfirvald innan íþróttahreyfingarinnar með röngum skýrslum, eða villandi upplýsingum.
 - c) Að koma ósæmilega fram við, ögra eða hafa í hótunum við yfirvald innan íþróttahreyfingarinnar vegna atvika sem standa í sambandi við trúnaðarstörf yfirvaldsins fyrir íþróttahreyfinguna.
 - 3. Brot gegn áhugamannareglum sérsambanda ÍSí.
 - 4. Brot út á við, sem valda íþróttahreyfingunni álitshnekki.



- a) Að koma svo fram, að íþróttunum sé álitshnekkir að.
 - b) Brot gegn hegningarlögunum, sem hafa í för með sér sviptingu borgaralegra réttinda.
5. Brot gegn reglum ÍSí um keppnisferðir.

38. grein – Dómsniðurstöður

- 38.1 Dómstólar ÍSí geta í dómsorði auk efnisniðurstöðu m.a. kveðið á um eftirfarandi réttindi og skyldur til aðila málsins:
- a) Dæmt mót ógild og eftir atvikum dæmt að mót skuli endurtekið.
 - b) Dæmt leiki ógilda, látið endurtaka þá eða dæmt um úrslit þeirra.
 - c) Ákvarðað dagsektir gagnvart sambandsaðilum og íþróttafélögum en ekki einstaklingum. Dagsektir renni til ÍSí.
 - d) Ákveðið sektir á sambandsaðila og íþróttafélög.
 - e) Málskostnað, ef málsgrundvöllur telst vera tilefnislaus.
- 38.2 Þær refsingar sem dómstólar ÍSí geta beitt eru:
- a) Áminning.
 - b) Vítur.
 - c) Óhlutgengi.
 - i) Útilokun frá þátttöku í æfingum, keppnum og sýningum innan viðkomandi félags, sambandsaðila eða íþróttahreyfingarinnar í heild sinni, tímabundið eða ævilangt.
 - ii) Svipting réttar til að gegna trúnaðarstörfum innan íþróttahreyfingarinnar (hefur ekki í för með sér missi almennra félagsréttinda eða keppnisréttar) tímabundið eða ævilangt.
 - d) Sektir.
 - e) Aðrar refsingar er lög eða reglur sérsambanda, íþróttahéraða og félaga tiltaka.
- 38.3 Ef verulegar líkur eru til að ætla að íþróttamaður verði úrskurðaður óhlutgengur skv. grein 38.2. c-lið og brýna nauðsyn ber til, er dómstól ÍSí heimilt að úrskurða um bráðabirgðabann við þátttöku hans í æfingum, keppnum og sýningum á vegum sambandsaðila ÍSí eða félaga eða deilda innan þeirra og við því að hann gegni trúnaðarstörfum innan íþróttahreyfingarinnar, enda hafi komið fram rökstudd krafa um það frá aðila sem kærurétt hefur skv. 31. gr. Meðferð slíkra mála skal vera skv. 29. gr. Bráðabirgðabannið tekur gildi frá þeim tíma sem íþróttamanninum er tilkynnt um það. Hafi ekki verið ákært og dæmt í málinu þegar fjórar vikur eru liðnar frá þeim tíma, skal dómstóll ÍSí taka ákvörðun um hvort bráðabirgðabannið verður framlengt eða felld úr gildi. Heildarlengd bráðabirgðabanns má þó aldrei verða meiri en lengd þess refsitíma sem ætla má að lokadómur í hverju máli kveði á um. Útgáfa, framlenging eða niðurfelling bráðabirgðabanns skal tilkynnt skriflega íþróttamanninum, félagi hans og sérsambandi því er hann heyrir undir, með sannanlegum hætti. Hafi íþróttamaður verið úrskurðaður í bráðabirgðabann áður en



hann er dæmdur til refsingar skv. gr. 38.2. c-lið skal lengd þess koma til frádráttar þeim refsitíma sem lokadómur í málinu kveður á um.

39 . grein – Þingbækur/Dómabækur

- 39.1 Við dómstóla ÍSÍ skulu vera haldnar sérstakar þingbækur, sem mega vera á rafrænu formi. Við fyrirtöku máls skal rita skýrslu í þingbók um það sem fram fer, hvaða gögn eru lögð fram, hverjir mæta í máli og hvað er afráðið um rekstur máls. Í þingbók skal jafnframt færa þær ákvarðanir sem teknar eru í málinu.
- Efni þingbókar skal að jafnaði ekki birt almenningi.
- 39.2 Við dómstóla ÍSÍ skal haldin sérstök dómabók, sem má vera á rafrænu formi, sem hefur að geyma uppkveðna dóma og úrskurði. Dómabók skal vera aðgengileg á heimasíðu ÍSÍ.

40 . grein – Óhlutgengi

- 40.1 Stjórn sérsambands getur kveðið upp óhlutgengisúrskurð yfir einstaklingum vegna brota á reglum íþróttahreyfingarinnar. Óhlutgengi skal ná til þátttöku innan viðkomandi sérsambands, sbr. þó 2. og 3. mgr. Slíkum úrskurðum er skylt að skjóta til Dómstóls ÍSÍ eða til viðkomandi sérsambandsdómstóls, sé hann til staðar. Viðkomandi dómstól ber tafarlaust að taka slík mál fyrir.
- Kveði úrskurður Dómstóls ÍSÍ á um óhlutgengi í 12 mánuði eða lengur ber dómstólnum að taka afstöðu til þess í niðurstöðu sinni hvort brot viðkomandi séu þess eðlis að óhlutgengisúrskurður skuli ná til íþróttahreyfingarinnar í heild sinni.
- Kveði úrskurður sérsambandsdómstóls á um óhlutgengi í 12 mánuði eða lengur skal skjóta málinu til Dómstóls ÍSÍ til ákvörðunar um hvort brot viðkomandi séu þess eðlis að úrskurður um óhlutgengi skuli ná til íþróttahreyfingarinnar í heild sinni.

41 . grein

- 41.1 Íþróttapeingi er heimilt með minnst 3/4 greiddra atkvæða að fella niður refsingu eða veita aðila dæmdum af dómstól íþróttahreyfingarinnar full réttindi að nýju innan íþróttahreyfingarinnar.

5. KAFLI HEILBRIGÐIS- OG LYFJAMÁL

42 . grein – Heilbrigðisráð

- 42.1 Framkvæmdastjórn ÍSÍ skipar 5 menn í Heilbrigðisráð ÍSÍ til tveggja ára í senn og skal a.m.k. einn þeirra vera læknir.
- 42.2 Hlutverk Heilbrigðisráðs ÍSÍ er:
- a) Að vera framkvæmdastjórn og sambandsaðilum til ráðgjafar varðandi heilbrigðismál íþróttamanna.



- b) Að vera til ráðgjafar varðandi fræðslu er lýtur að heilbrigðismálum íþróttamanna.
- c) Að vera ráðgefandi vegna skipulags á heilbrigðisþjónustu við íþróttamenn og hópa sem taka þátt í alþjóðlegum mótum á vegum ÍSí eða njóta styrkja úr Afrekssjóði ÍSí.

43 . grein – Lyfjaeftirlit Íslands

- 43.1 Framkvæmdastjórn ÍSí skipar tvo menn í stjórn Lyfjaeftirlits Íslands til tveggja ára í senn.

44 . grein

- 44.1 Lyfjaeftirlit Íslands skipuleggur og fer með eftirlit með lyfjamisnotkun íþróttamanna, ásamt því að fara með ákærvald í málum er varða brot á Lyfjareglum Lyfjaeftirlits Íslands.

45 . grein

- 45.1 Lyfjareglur Lyfjaeftirlits Íslands skulu byggðar á Alþjóðalyfjareglunum (World Anti Doping Code), sem gefnar eru út af Alþjóðalyfjaeftirlitinu (World Anti Doping Agency, WADA).

6. KAFLI ÍÞRÓTTAHÉRUÐ

46 . grein

- 46.1 Samkvæmt íþróttalögum er landinu skipt í íþróttahéruð. Í hverju íþróttahéraði skal vera eitt íþróttahérað allra íþróttafélaga í héraðinu til að vinna að hinum ýmsu hagsmunamálum þeirra.
- 46.2 Hlutverk íþróttahéraða er:
 - a) Að stjórna sameiginlegum íþróttamálum héraðsins og vera þar fulltrúi ÍSí, en sérráð, er stofnuð eru, fara með stjórn sérgreinamála innan héraðsins.
 - b) Að annast samstarf um íþróttamál við sveitar- og bæjarstjórnir og aðra opinbera aðila innan héraðs.
 - c) Að varðveita og skipta milli félaganna því fé, sem til þess hefur verið veitt í því skyni.
 - d) Að aðstoða við skipulag, undirbúning og framkvæmd íþróttamóta í héraði.
 - e) Að hafa frumkvæði um eflingu íþróttastarfs innan héraðs.
 - f) Að staðfesta lög/lagabreytingar aðildarfélaga og halda utan um staðfest lög félaga og skila yfirliti til ÍSí yfir lög aðildarfélaga í lok hvers árs.
 - g) Að tilkynna ÍSí og viðkomandi sérsambandi um stofnun nýrra félaga og deilda.
 - h) Að fylgjast með því að starfsemi aðildarfélaga fari fram skv. gildandi lögum þeirra og íþróttahreyfingarinnar í heild.



- i) Að tryggja góða stjórnarhætti innan íþróttahéraðsins.
- 46.3 Til að sinna eftirlitshlutverki sínu gagnvart aðildarfélögum skulu íþróttahéruð hafa eftirfarandi heimildir:
- a) Krefja aðildarfélag um upplýsingar og gögn sem nauðsynleg eru til að meta hvort starfsemi þess sé í samræmi við lög og reglur íþróttahreyfingarinnar. Í því felst m.a. fullur aðgangur að bókhaldi og fylgiskjölum aðildarfélags/sérráða og ef ástæða þykir til getur stjórn viðkomandi íþróttahéraðs tilnefnt sérstakan skoðunarmann reikninga fyrir félagið og fyrirskipað ítarlega rannsókn á fjárreiðum viðkomandi aðildarfélags/sérráðs. Aðildarfélag/sérráð getur krafist þess að bókhaldsgögn fari eingöngu um hendur löggilts endurskoðanda á eigin kostnað.
 - b) Koma á vettvang til að kanna starfsemi félagsins.
- 46.4 Vanræki aðildarfélag að halda aðalfund á tilsettum tíma, skal stjórn íþróttahéraðsins, ef þörf krefur, boða til fundarins og sjá um framkvæmd hans..
- 46.5 Ef félag uppfyllir ekki lengur þau starfsskilyrði sem kveðið er á um í grein 5.2. í lögum ÍSí, er stjórn viðkomandi íþróttahéraðs heimilt að vísa félaginu úr héraðinu að undangenginni aðvörun.
- 46.6 Gerist félag brotlegt við ákvæði laga og reglna íþróttahéraðs eða fer ekki að löglegum fyrirmælum þess getur stjórn íþróttahéraðs:
- a) Áminnt félagið formlega og veitt því frest til úrbóta.
 - b) Stöðvað eða frestað tímabundið greiðslum styrkja og annarra framlaga
 - c) Vísað félaginu úr íþróttahéraðinu að undangenginni áminningu. Ákvörðun um að vísa félagi úr íþróttahéraði tekur strax gildi og skal tilkynnt ÍSí og viðkomandi sársamböndum. Ákvörðunin skal staðfest á ársþingi eða aukaársþingi sem halda skal innan þriggja mánaða frá því ákvörðun um brottvísun var tekin.
- Íþróttahérað getur einnig höfðað mál gegn aðildarfélagi fyrir Dómstól ÍSí vegna brota á lögum og reglum héraðsins og krafist refsinga sem tilgreindar eru í dómstólakafla laga þessara eftir því sem við á, sbr. gr. 31.2 í lögum þessum.
- 46.7 Ef íþróttahérað telur að aðildarfélag hafi brotið lög eða reglur ÍSí eða starfsemi þess sé ekki í samræmi við stefnu og markmið ÍSí, skal það tafarlaust tilkynna framkvæmdastjórn ÍSí formlega um málið. Framkvæmdastjórn metur hvort um brot sé að ræða og getur höfðað mál gagnvart félaginu fyrir Dómstól ÍSí telji hún svo vera, sbr. gr. 31.3 í lögum þessum.

47 . grein

- 47.1 Íþróttahéraði er stjórnað af:
- a) Héraðsþingi
 - b) Héraðsstjórn
- 47.2 Lög íþróttahéraðs og lagabreytingar, sem gerðar kunna að verða, skulu lagðar fyrir framkvæmdastjórn ÍSí til staðfestingar.





- 47.3 Héraðsþing skal halda ekki sjaldnar en á tveggja ára fresti. Þing ípróttahéraðs er ekki heimilt að halda á sömu dögum og Ípróttahéraðs eða formannafundur ÍSÍ fara fram.
- 47.4 Í lögum ípróttahéraða skulu vera ákvæði um eftirfarandi:
- a) Héraðsþing séu boðuð með auglýsingu og/eða tilkynningu með eigi minna en eins mánaðar fyrirvara.
 - b) Hvert aðildarfélag og sérráð eigi rétt á að tilnefna fulltrúa á Héraðsþing skv. nánari reglum þar um í lögum ípróttahéraðsins.
 - c) Val fulltrúa miðist við félagsmenn og/eða iðkendur samkvæmt félagatali og/eða iðkendatali síðastliðins almanaksárs. Fulltrúar á ársþingi skulu vera lögráða.
 - d) Ákvæði um dagskrá þingsins.
 - e) Skriflegt fundarboð (síðara fundarboð) með dagskrá og upplýsingum um tillögur og mál sem leggja á fyrir Héraðsþing skuli senda aðildarfélögum, sérráðum og öðrum sem rétt eiga til þingsetu með eigi minna en einnar viku fyrirvara.
 - f) Við atkvæðagreiðslu almennra mála og í kosningum ráði einfaldur meirihluti atkvæða viðstaddra atkvæðisbærra fulltrúa en til lagabreytinga þurfi 2/3 hluta sömu fulltrúa.

7. KAFLI SÉRSAMBÖND

48. grein

- 48.1 Sérsamband er samband ípróttahéraða í hlutaðeigandi ípróttagrein. Sérsamband hefur heimild til að hafa bein boðskipti við þau félög sem hafa iðkun ípróttagreinar viðkomandi sérsambands á stefnuskrá sinni.
- 48.2 Sérsamband er æðsti aðili innan ÍSÍ um sérfræðileg málefni ípróttagreinar sinnar.
- 48.3 Sérsamband skal senda ÍSÍ árlega starfsskýrslu.
- 48.4 Hlutverk sérsambanda er í meginatriðum:
- a) Efla viðkomandi sérgrein í landinu.
 - b) Að setja nauðsynlegar reglur, löggilda dómara, ráðstafa landsmótum og staðfesta met.
 - c) Að veita ípróttahéruðum stuðning við að fylgjast með aðildarfélögum þeirra, ef málefni sem þarfnast skoðunar heyra undir viðkomandi sérsamband.
 - d) Að vera fulltrúi ípróttagreinar sinnar gagnvart erlendum aðilum og sjá um að reglur varðandi greinina séu í samræmi við alþjóðareglur.
 - e) Að tryggja góða stjórnarhætti innan sérsambandsins.





49. grein

- 49.1 Sér sambandi er stjórnað af:
- a) Sér sambandsþingi.
 - b) Sér sambandsstjórn.
- 49.2 Sér sambandsþing skal halda ekki sjaldnar en á tveggja ára fresti. Óheimilt er að halda þau á sömu dögum og Íþróttaping eða formannafundur ÍSí fara fram.
- 49.3 Í lögum sér sambanda skulu vera ákvæði um eftirfarandi:
- a) Sér sambandsþing séu boðuð með auglýsingu og/eða tilkynningu með eigi minna en eins mánaðar fyrirvara. Fundarboð skal senda þeim aðilum sem eiga rétt á fulltrúa/fulltrúum á þingið samkvæmt lögum viðkomandi sér sambands.
 - b) Val fulltrúa á sér sambandsþingi miðist við fjölda iðkenda, félaga eða keppenda eða eftir annarri aðferð sem viðkomandi sér samband ákveður og framkvæmdastjórn ÍSí samþykkir. Stjórn hvers íþróttahéraðs, sem hefur viðkomandi íþróttagrein innan sinna vébanda, skal þó eiga rétt á a.m.k. einum áheyrnarfulltrúa með málfrelsi og tillögurétt á sér sambandsþing til viðbótar við fulltrúa félaga innan viðkomandi íþróttahéraðs. Allir fulltrúar á ársþingi skulu vera lögráða.
 - c) Dagskrá sér sambandsþings sé ákveðin í lögum.
 - d) Skriflegt fundarboð (síðara fundarboð) með dagskrá og upplýsingum um tillögur og mál sem leggja á fyrir sér sambandsþing, skuli senda viðkomandi aðilum með eigi minna en tveggja vikna fyrirvara.
 - e) Við afgreiðslu almennra mála og í kosningum ráði einfaldur meirihluti atkvæða viðstaddra atkvæðisbærra fulltrúa, en til lagabreytinga þurfi 2/3 hluta sömu fulltrúa.
 - f) Viðurlög við brotum á lögum og reglum sambandsins.

50. grein

- 50.1 Skyld er framkvæmdastjórn ÍSí að hafa forgöngu um stofnun sér sambands, ef eftirfarandi skilyrði eru uppfyllt:
- a) Einstaklingsíþróttagrein
Íþróttin er stunduð í íþróttafélögum í a.m.k. fjórum íþróttahéruðum, iðkendafjöldi er að lágmarki 250 og fjöldi íþróttafélaga/deilda stendur undir mótahaldi í íþróttinni fyrir börn/ungmenni og fullorðna, óháð kyni, að mati framkvæmdastjórnar ÍSí.
 - b) Hópiþróttagrein
Íþróttin er stunduð í íþróttafélögum í a.m.k. fjórum íþróttahéruðum, iðkendafjöldi er að lágmarki 500 og fjöldi íþróttafélaga/deilda stendur undir mótahaldi í íþróttinni fyrir börn/ungmenni og fullorðna, óháð kyni, að mati framkvæmdastjórnar ÍSí.





Þrátt fyrir liði a) og b) getur framkvæmdastjórn ÍSí, að fenginni heimild Íþróttapings ÍSí, stofnað til sérsambands fyrir íþrótt sem uppfyllir ekki skilyrði um útbreiðslu í fjórum íþróttahéruðum vegna skorts á sérhæfðri aðstöðu um fyrirsjáanlega framtíð og viðkomandi íþrótt uppfyllir öll önnur skilyrði sem sett eru fyrir stofnun sérsambands.

- 50.2 Þegar stofnun sérsambands er ákveðin, skal framkvæmdastjórn ÍSí tilkynna það öllum íþróttahéruðum og félögum þar sem viðkomandi íþróttagrein er stunduð og boða þessa aðila til stofnþings. Hvert íþróttahérað og hvert félag skal eiga kost á einum fulltrúa á stofnþingi. Eftir stofnun sérsambandsins heyra öll sérgreinamál íþróttarinnar undir stjórn þess.
- 50.3 Heimilt er framkvæmdastjórn ÍSí að hafa forgöngu um að leggja niður sérsamband ef íþróttagreinin er ekki stunduð a.m.k. innan þriggja íþróttahéraða.
- 50.4 Þegar niðurlagning sérsambands er ákveðin skal framkvæmdastjórn ÍSí tilkynna viðkomandi íþróttahéruðum það bréflega.
- 50.5 Sérsambönd skulu tilkynna framkvæmdastjórn ÍSí um allar nýjar íþróttagreinar sem þau taka upp. Tilheyri greinin ekki alþjóðasambandi sem sérsambandið er aðili að skal afla heimildar framkvæmdastjórnar ÍSí til að taka íþróttagreinina upp.
- 50.6 Sérsambönd skulu afla heimildar framkvæmdastjórnar ÍSí til að gerast aðili að alþjóðasambandi. Sérsamböndum er óheimilt að vera aðilar að alþjóðasamböndum sem ekki viðurkenna alþjóðalyfjareglurnar, eru starfrækt í hagnaðarskyni eða eru með iðkun íþrótta á stefnuskrá sinni, sem vegna eðlis og markmiðs íþróttarinnar geta valdið heilsutjóni að mati framkvæmdastjórnar ÍSí.
- 50.7 Lög sérsambands og lagabreytingar, sem gerðar kunna að verða, skulu lagðar fyrir framkvæmdastjórn ÍSí til staðfestingar.

8. KAFLI SÉRRÁÐ

51 . grein

- 51.1 Sérráð er samband þeirra félaga og félagsdeilda í íþróttahéraði, sem hafa iðkun sömu íþróttar á stefnuskrá sinni. Það fjallar um sérfræðileg málefni íþróttagreinar innan héraðsins. Um önnur mál er sérráð háð hlutaðeigandi íþróttahéraði.

52 . grein

- 52.1 Þar sem tvö eða fleiri íþróttafélög hafa iðkun sömu íþróttagreinar á stefnuskrá sinni, má íþróttahérað stofna sérráð.
- 52.2 Íþróttahéruð skulu setja starfsreglur um sérráð sem kynna þarf sérsambandi í viðkomandi íþróttagrein.





53 . grein

- 53.1 Séraráði er stjórnað af sérráðsstjórn, sem skipuð er af stjórn viðkomandi íþróttahéraðs eða eftir annarri aðferð sem kveðið er á um í starfsreglum viðkomandi sérráðs.

9. KAFLI ALMENNINGSÍÞRÓTTIR

54 . grein

- 54.1 Framkvæmdastjórn ÍSí er æðsti aðili varðandi almenningisíþróttir, innan íþróttahreyfingarinnar. Skal stjórnin leggja áherslu á að efla þennan þátt í starfsemi íþróttahreyfingarinnar, bæði með verkefnum á sínum vegum en einnig skulu sambandsaðilar ÍSí sinna þessum þætti eftir föngum.

10. KAFLI ÝMIS ÁKVÆÐI

55 . grein – Merki ÍSí

- 55.1 Merki ÍSí skal sýna gjósandi eldfjall hvílandi á Ólympíuhringjunum. Þrjár rauðar eldtungur eru tákni innri krafts, hreysti og hins ólympíska elds. Fjallið er stílfært úr fimm röndum í íslensku fánalitunum, blá og hvít til hvorrar hliðar og ein rauð í miðju.
- 55.2 Fáni ÍSí er hvítur með merki ÍSí í miðju.
- 55.3 Komi til álita að breyta fána eða merki ÍSí skal ákvörðun um það af hálfu Íþróttáþings borin undir framkvæmdastjórn Alþjóðaólympíunefndarinnar, enda ber að leita samþykkis hennar við fána, merki eða einkennislagi, sem ÍSí noti í starfsemi sinni, þar á meðal á Ólympíuleikunum.

56 . grein – Merki Alþjóðaólympíunefndarinnar, IOC

- 56.1 Alþjóðaólympíunefndin, IOC, hefur einkarétt á allri notkun Ólympíutáknsins, Ólympíufánans, Ólympíukjörorðsins og Ólympíuóðsins svo sem lýst er í Ólympíusáttmálanum. ÍSí hefur einkarétt á notkun þessara tákna hér á landi fyrir hönd IOC. ÍSí er ekki heimilt að nota táknið né fánann, nema með samþykki IOC.

57 . grein – Heiðursforseti

- 57.1 Íþróttáþing kýs heiðursforseta ÍSí og þarf samþykki 4/5 hluta viðstaddra þingfulltrúa til að kjörið teljist gilt.
- 57.2 Heiðursforseti ÍSí hefur rétt til setu á framkvæmdastjórnarfundum, formannafundum og á Íþróttáþingum, með málfrelsi og tillögurétti.
- 57.3 Heiðursforseti kemur fram fyrir hönd sambandsins, þegar framkvæmdastjórn eða forseti fela honum það.





58 . grein – heiðursfélagar

- 58.1 Framkvæmdastjórn má kjósa heiðursfélaga og skal kjöri lýst á íþróttapingi.
- 58.2 heiðursfélagar ÍSí hafa rétt til setu á íþróttapingum með málfrelsi og tillögurétti.

59 . grein - Félagsslit

- 59.1 Í lögum allra sambandsaðila og íþróttafélaga skulu vera ákvæði um félagsslit svo og um ráðstöfun eigna, þegar samtök slíkra aðila leysast upp eða hafa hætt störfum, að dómi framkvæmdastjórnar.

60 . grein – Slit ÍSí

- 60.1 ÍSí verður ekki slitið nema á íþróttapingi og þá því aðeins, að 4/5 hlutar atkvæðisbærra fulltrúa, þeirra er rétt eiga til setu á íþróttapingi, samkvæmt lögum þessum samþykki þá ráðstöfun.
- 60.2 Með slíkri samþykkt er störfum þess þings tafarlaust lokið, en fráfaramandi stjórn skal sitja áfram með fullu umboði. Skal hún boða til annars íþróttapings sex mánuðum síðar. Sé þá aftur samþykkt með atkvæðum a.m.k. 4/5 hlutum atkvæðisbærra fulltrúa að slíta sambandinu, skulu það heita lögleg sambandsslit.

61 . grein – Ráðstöfun eigna

- 61.1 Sé ÍSí þannig löglega slitið, skulu allar eignir þess renna í einn sjóð.
- 61.2 Höfuðstól sjóðsins má aldrei skerða, en 2/3 hlutum ársvaxta hans skal varið til styrktar uppeldis- og íþróttamálum eftir ákvörðun þriggja manna nefndar.
- 61.3 Nefnd þessi skal þannig skipuð, að einn nefndarmanna sé tilnefndur af fráfaramandi stjórn, annar sé tilnefndur af ráðuneyti íþróttamála og sá þriðji sé tilnefndur af Hæstarétti, og sé hann jafnframt formaður.
- 61.4 Falli nefndarmaður frá, tilnefnir Hæstiréttur mann í staðinn, þannig að nefndin sé ávallt fullskipuð.

62 . grein – Brottrekstur

- 62.1 Ekki er unnt að víkja sambandsaðila úr ÍSí nema með samþykki íþróttapings og þá því aðeins, að 2/3 hlutar atkvæðisbærra fulltrúa, þeirra er rétt eiga til setu á íþróttapingi samkvæmt lögum þessum, samþykki þá ráðstöfun.

63 .grein – Lagabreytingar

- 63.1 Lögum þessum verður ekki breytt nema á íþróttapingi og þá aðeins með a.m.k. 2/3 hlutum atkvæða viðstaddra atkvæðisbærra fulltrúa.





64 . grein – Túlkun gagnvart Ólympíusáttmálanum

- 64.1 Lög ÍSí skulu jafnan vera í samræmi við Ólympíusáttmálann, að því leyti sem hann getur átt við, og skírskota til hans berum orðum. Breytingar á lögunum frá því, sem Alþjóðaólympíunefndin hefur staðfest, skulu sendar nefndinni til staðfestingar með sama hætti, í endurriti, sem forseti og framkvæmdastjóri ÍSí votta fyrir þess hönd.
- 64.2 Leiki einhver vafi á um gildissvið eða túlkun laga ÍSí eða gæti misræmis í ákvæðum þeirra við Ólympíusáttmálann, sem í gildi er á hverjum tíma, skal farið eftir Ólympíusáttmálanum um öll atriði sem hann nær yfir.
- 64.3 Sérhverri ákvörðun eða dómi, sem Áfrýjunardómstóll ÍSí kveður upp, má skjóta með áfrýjun til Íþróttadómstólsins (Court of Arbitration for Sport) í Lausanne, Sviss, sem leysir þá endanlega úr ágreiningsmálinu í samræmi við Reglur um gerðardómsmeðferð mála á íþróttasviði (Code of Sports-Related Arbitration). Áfrýjunarfrestur er 21 dagur frá því að málsaðili fær í hendur þá ákvörðun, sem áfrýjunin varðar.

65 . grein – Reglugerðir

- 65.1 Framkvæmdastjórn ÍSí setur með reglum og reglugerðum nánari ákvæði um framkvæmd laga þessara. Ákvæði reglna og reglugerða sem nú eru í gildi, halda gildi sínu að því leyti sem ákvæði þeirra fara ekki í bága við lög ÍSí.

66 . grein – Gildistaka

- 66.1 Lög þessi öðlast gildi við þingslit íþróttapingis ÍSí og falla þá eldri lög úr gildi.

Bráðabirgðaákvæði – Fækkun stjórnarmanna í áföngum

Fækkun í framkvæmdastjórn skal taka gildi í áföngum þannig að kosningar verða framkvæmdar sem hér segir:

Í kosningu árið 2027 skulu fjórir stjórnarmenn kosnir til fjögurra ára.

Í kosningu árið 2029 skulu fjórir stjórnarmenn kosnir til fjögurra ára auk forseta til fjögurra ára.

Starfsárin 2027-2029 verða stjórnarmenn 11 auk forseta og fulltrúa íþróttamannanefndar ÍSí og frá íþróttapingi árið 2029 verða stjórnarmenn 8 auk forseta og fulltrúa íþróttamannanefndar.

Samþykkt á 77. íþróttapingi 17. maí 2025

